



宛陵先生文集目錄卷第十四

和李廷老會飲

江鄰幾邀飲定方院

送中道省親

寄西京宋學士

送晁殿丞

重送宋中道

送何鬲主簿

和永叔見寄

送馬察院

送和州杜駕部

送廣德劉郎中

送洛南周寺丞

賦石昌言括蒼石屏

代寄致仕張郎中

送錢駕部知邛州

文惠師贈新筍

目

終

宛陵先生文集卷第十四

和李廷老家會飲

四序豈常停寒革春淺和始愛衣裘輕相與車馬
過車馬不畏遠風埃不畏多到門門有槐槐上時
鳥歌時鳥歌猶澁主人當謂何南開石榴軒中置
飲酒羸食按施黃金饌炙厭白鵝漢糟槎頭美吳
羹成咄呵既醉或放言扶莊引駘它縱論或好辯
排墨同孟軻日將薄虞淵執策相交摩欲去舉大
白酌我苦大苛

正月二十七日江鄰幾杜挺之劉原甫貢

甫韓持國邀飲於定力院

昨日會飲我後至誰欲比我為王戎笑知卿輩意
易敗起誚便與俗物同似過黃公酒壚下嵇阮不
見脩竹中杳爾山河隔千里此心正有古人風

送宋中道朝陵仍於西都省親

西出虎牢關南瞻園廟戟漢殿拜衣冠魏臺嚴帳
帟春風石闕冷曉氣田塗白早晚下朱陵先過洛
陽陌

寄西京通判宋次道學士

當時交友都無幾欲問懽娛亦異今花接上林新

木變水分清洛舊池深峨嵋高色雲常在窈窕宮
墻草又侵脩竹千竿白家寺昔年題處可能尋

送晁殿丞鄭州簽判

朝離沁水上夕去野亭賒走馬日銜樹度河風卷
沙關雲來雨脚陂岸長蒲芽共被方為樂軍中莫
摻搨

重送宋中道

隴草陳根發山櫻宿霧蒸將過周故宅先下漢諸
陵頽道春經雨官溝暗溜冰蒹葭休定價羊酪易
為

送涇州良原何禹主簿

春風入邊磧二月沙草生胡馬自偷牧漢農寧廢
耕薄田刈晚穀又餉防秋兵縣版固當重調輕無
與程

依韻和永叔見寄

春風約柳一片西欲託鳥翼傳音稽昨朝偶向東
城去草草又逢驄馬蹄長髯御史威正峭沙堤來
坐氣吐霓我乘小駟雖甚瘦喜見驂馭猶解嘶適
聞南都接大尹笑我出處今何迷恥趨捷徑身已老
欲至何用頻吹壘蛟龍失水等蚯蚓鱗角雖有辱

在泥困居廢井誰引手豈得更望青雲梯筆鋒勁
發若強努餘力曾徹七重犀倦禽雄雌不飽腹日
暮徒念還巢棲大椿朝菌各有盡此物何怪莊叟
齊誠知豪俠自快樂東郊南陌競鬪雞曾中有道
無廣狹包括宇宙在一梯何時與公去穎尾湖水
漫漫如玻璃世間會合固不易况乃仕宦多相睽
正似郵亭戀行者未到止息空歌驅我貧尚不給
朝夕焉得負郭置稻畦筋骸幸且稍輕健山水縱
好無路躋儻公他時買田宅願以藜杖從招携吾
兒詩書不足教亦以助力於耕犁

東城送運判馬察院

春風騁巧如翦刀先裁楊柳後杏桃園尖作瓣得
踈密顏色又染燕脂牢黃鸝未鳴鳩欲雨深園靜
墅聲嗷嗷役徒開汴前日放亦將決水歸河槽都
人傾望若焦渴寒食已近溝已淘何當黃流與雨
至雨深一尺水一篙都水御史亦即喜日夜順疾
回輕舠頻年吳楚歲苦旱一稔未足生脂膏吾願
取之勿求羨窮鳥困獸易遯逃我今出城勤送子
沾酒不惜典弊袍數途必向睢陽去太傅大尹皆
英豪試乞二公評我說萬分豈不益一毛國給民

蘇自有暇東園乃可資遊遨

送知和州杜駕部

桐花欲開時群囀爭哺兒但求黃口飮焉問丹穴
飢常山有四鳥將飛昔已悲中間勿殞逝豈得安
其枝一飲必屢顧每啄必遲遲今朝竟矯翼去向
江之湄銜芹不自食欲遺孤與雌此義實已重莫
為臬所嗤世俗多嫌忌我胡為此詩此詩美孝悌
持贈杜挺之

送劉郎中知廣德軍

昔在少年時辛勤事諸父諸父為桃州物宜比皆可

數事君勤職貢采茗先穀雨劭農井田桑科薈重
斧城西大靈祠措意初似禹將通吳境河身自
同豕伍期婦來餉時壇上必鳴鼓一為烏所誤愧
恨去不覩至今存遺堤五丈立堅土正如開轆轤
黃熊輒啓媯功利欲及民血食宜簋簠祠後有高
山山頭攢棟宇此實諸父為禾麻可就俯歲登有
樂事或亦作歌舞賦詩當清明解袂思洛浦其言
在黑石往往被樂府于今三十年追想漸成古公
將乘朱輪去問民疾苦治術自有具薄言無所補
缺將陳迹書又且劇莽鹵

送洛南周寺丞

故家在華山

將去洛南宰日聞庭下松亂山歸四隱舊壑隔三
峯狹谷車能入春林雨易逢地多耕與漆貨必厚
於農

賦石昌言括蒼石屏

括蒼黃石屏樹如濃墨寫根深稱條葉生意絕蕭
洒或聞造物手立意先真假指是龜波摹能同自
然者天下莫復言物亦逢知寡

寄致仕張郎中代人

門榮世羨高天下身退心閑住洛陽畫鶴能同薛

少係愛書還比蔡中郎花陰小酌呼隣父月下清
吟掃石床不問從來生計薄題籤盈閣是家藏

送錢駕部知邛州

細雨梅初熟輕寒麥已秋路危趨劍道夢穩過刀
州秦粟非吳食巴粳類越疇當壚無復舊試似長
卿求

文惠師贈新筍

劉累死龍不馴世間士不識真有真物實去人或
在山亦隱鱗或多孫出水濱奮雷轟轟萬里春厚
土坼裂窮執振牙甲戢戢不可數削拙誰怕天公

噴煮之梅酒美如玉甘脆入齒饒流津荆吳易得
梁宋少二年不食思無因豈意今朝忽有遺不忍
獨饗呼吾鄰

死陵先生文集卷第十四

宛陵先生文集目錄卷第十五

觀何君寶畫

送任太博歸省

送張學士知洪州

觀楊之美畫

李審言遺酒

送邵郎中知潭州

送楊叔恬

送洪州倅何太博

見賣瓠者

和鄰幾景德避暑

送趙諫議知徐州

送邵戶曹隨侍

哭韓舍人五首

高平公挽歌三首

歐陽郡太君挽歌

和石昌言求筆

讀宋叔撰薛靈衡碣

土

八十五

目錄

蜀牋答松管

送楊叔武廣南招安

走筆戲邵興宗

送李中舍宰南鄭

送三察推之鄧州

戲酬高負外鯽魚

送何學士知漢州

和達觀師聞蟬

和杜相公謝蔡君謨茶

和接花

送石昌言學士

書南事

送吳都官還江南

馮子都詩并序

赴庾直有懷

采茨

史氏南軒

送陳脩撰

和寄宣州廣教文鑒師

送陸學士泰州倅

送徐祕丞知梁山軍

和秋夕對月

宛陵先生文集卷第十五

觀何君寶畫

燕馬易畫，吳牛難圖。馬骨隱細，牛骨龐馬毛要密。
牛毛疎，麤疎必辨別，細密多模胡。乃知戴嵩筆能
出韓幹，徒幹馬精神在。韁勒嵩牛怒鬪，無牽拘昨
日。何家觀小軸，綃雖破爛色不渝。二頭相觸角競
椅前脚如跪，後脚舒尾株。榻直脊脊感筋力，寫盡
蹄腕殊一勝。一敗又苦似勝者，狼逐敗者趨。卷窮
赤印置小。

置字乃是陶尚書尚書國初人愛畫
昔金與帛帛載羊車錢以驢後世

入窮市無須吏凡目矜新不重故
千錢酬直 吹愚四牛遂為何氏有裝背入眼天
下無坐中吾儕趣已異又喜玄女傳兵符此本實
稱閻令畫下筆簡細容顏姝三人鬼狀一牛首八
女二十美丈夫黃帝中間蔭葩蓋霞扇錯玳旌擁
朱冠服難知歲月遠但見儀衛森清都復觀鹿臺
獨失受妲已不笑何由娛酒池內林騎行爲剖心
斫脰堪悲吁數幅吳王宴西子綵舟張樂當姑蘇
宮娥數百簇高下鬢髻一一紅芙蓉危峯細浪得
平遠前對洞庭傍大湖商紂夫差可垂誠歷世傳

玩叅盤盃鵬鷹草木不足記特詠此事心何如

送任太博歸省西都

人言少保持家謹載見西京萬石君子舍今歸浣
裙切里門重戒下車勤田園一一能為計僮僕訢
訢亦有聞我負洛陽山水久試因行色寄嵩雲

送少卿張學士知洪州

朱旗畫舸一百尺五月長江水拍天穩去先應望
廬岳暫來誰復見龍泉閣經吏部重為記山識吳
王舊鑄錢往迹可尋軍士少贖書遺逸附青編

觀楊之美畫

乘車建朱旗赤幡前亞風卷披二龍緩駕蒼
岳印箱傍挈文籍隨雙驂推軌如畏遲行從冠
服多威儀水官自有真龍騎兩佐並跨鯨尾螭步
趨羣吏怪眼眉雲生海面無端涯雷部處上相與期
人身獸爪負鼓馳後有同類挾且提次執電鏡風
囊吹青虵有角魚足鬢上下引導神所施地官既
失不可知此畫傳是閩令為設色鮮潤筆法奇絹
理膩滑雞子皮吳生龍王多裂隳八軸展玩忘晨
炊李成山水曉景移黃荃花竹雀擁枝韓幹馬本
摸搭時神駿都失存毫釐日高腹枵眼眈眈避返
獲見何言疲厚謝主翁意不衰他日飽目看無遺

李審言遺酒

大梁美酒斗千錢欲飲常被飢窘煎經時一滴不
入口漱齒費盡華池泉昨日靈昌兵吏至跪壺曾不
候報箋赤泥圻封傾瓦盎毋妻共嘗婢流涎隣家
葡萄未結子引蔓垂過高墻巔當街賣杏已黃熟
獨堆百顆充盤筵老年牙疎不喜肉况乃下箸無
腥膻空腸易醉忽酩酊倒頭夢到上帝前賜臣蒼
龍跨入月不意正值姮娥眠無人采顧傍玉兔便
一披毛為筆筆如椽狂吟一掃一百篇

君東郡太守終始賢切莫汲竭滑
之井留釀此醕時我傳

送邵郎中知潭州

張鏡疊吹洞庭外緣虎帶刀蠻帥迎且諭漢家綏
撫厚莫言湘守事權輕木奴洲近霜包熟班竹林
昏野鳥鳴賈誼宅邊寒井在暫留于騎漱餘清

送楊怵恬應北京辟

昔時見子宛丘下丞相待子知子賢子於文字實
廣博海客謾估珠盈舩欲賣明月一寸魄雖豪木
有售以錢通都大邑忽辨寶直取不犯驪龍涎遂
作照乘物矜夸魏人前從茲十二車光彩生從先
送洪州通判何太博者亦先婦新淦
拜官江上客乘馬不乘舩獨畏蛟龍浪將婦風雨
天葛花侵野徑源水入腴田君住巴丘下西山道
路連

五月七日見賣瓠者

老圃奪天時馬通為煦嫗四月彼種瓜五月此賣
瓠陽陂與糞壤功力且異趣瓜遲瓠何早豈不同
雨露速利乃在人爭先無晚暮

和江鄰幾景德寺避暑

身應雨鳴鳶不生風鬱氣若甌炊初陽如火
紅髀膚汗交流脂體膏將鎔龍頭費挹酌犢鼻強
遮蒙常畏俗物來去避青蓮宮廣堂鋪琉璃高簷
蔭梧桐廊壁畫地獄獄具鑊鋸舂鐵城何熾熾鐵
床亦彤彤誰知炮烙死活間傳自西域黃面翁正
類人世苦此熱聲利役使亡西東京師貴貨幾椽
舍窮煎相似聒欲聾屋頭朝爨作飲食枕底夕艾
驅蚊蟲宜爾近巷江夫子賦詩特壓塵土中

送趙諫議知徐州

及

鹿車幾兩馬幾匹軫建朱幡騎發弓雨過短亭雲

斷續鶯啼高柳路西東呂梁水注千尋險大澤龍
蹄萬古空莫問前朝張僕射毬場細草綠蒙蒙

送邵戶曹隨侍之長沙

青袍會稽掾采服湘江行水館魚方羨犀舟枕自
清鷓鴣啼欲雨蟬螭見還晴風土雖卑濕醇醪可
養生

承起裴吳二直講過門云鳳閣韓舍人物
故作五章以哭之

平生交友淚又哭寢門前魯叟不言命楚人空問
天可沉滄海底星隕太微邊莫恨終埋沒文章自

可人

仗虜常軍對江湖謫幾年始看還近侍遽此隔重
泉沃酒酒空滿託詞詞謾傳視予猶手足莫怪獨
潸然

筭數曾無據仁人亦莫聞狼愚多至老蘭桂苦先
焚不竟千秋恨還如萬里分臨風一號慟易散日
邊雲

昔時賓宴地今見總幃遮棲室那因鵬從盃不為
虵曾無越人術竟起漢臣嗟明日東城陌悲涼後
部笳

曉陌行車過交相歎且驚荀龍聞一蛭穆駿失全
鳴不復中書直空餘左史成緒言猶在耳尚想見
平生

聞高平公殂謝述哀感舊以助挽歌三首
文章與功業有志不能成嘗以濟高位終然屈大
石遺風猶可見逝水更無情歸卜青烏壠韓城苦
霧平

京洛同逃酒單袍跨馬歸明朝各相笑此分不為
稀公既參鑪治子將事蕪薇悲哀無以報有涕向

軍

無貧賦
人俱

郡人皆望酒壺俗情難可學奏記向來
日分崇高不解諛雖然門館隔泣與衆

歐陽郡太君挽歌二首

夫人有賢子往歲謫夷陵欲使無愁鬱怡然見寢
興外詞陽磊磊內畏實兢兢濟壽復終貴共為時
所稱

當時丈人歿雖少守孤兒以及成名譽何嘗厭疾
藜暮年終饗福陰陽不應欺莫使碧江上獨傳陶
母碑

依韻和石昌言學士求鼠鬚筆之什鼠鬚
鼠尾者前遺君謨今以松管代贈

江南飛鼠拔長尾勁捷頗勝中山毫其間又有蒼
鼠鬚入用不數南雞毛二物緩急豈常獲捕刺徒
爾操蠻刀舊歲已贈蔡夫子報君松管何蕭騷

邃隱堂

大梁車馬地塵土飛百尺賢愚走其間朝暮不見
迹地望天波門垣垣宗室宅宗室令王孫愛書輕
玉帛華宇何深沉但聞列圖籍曲房有窈窕空自
事
安石處崑石古來為善樂豈

以哥金道

讀永林所撰薛雲衛碣

文章如塗金光彩發美器所宜玉石間模寫傳千
祀堅堅孝子心森森栢庭闕豈與石麒麟原傍闔
蒼翠

和石昌言以蜀成南成答松管之什

蠻戕抽轉龍鱗細秋兔束毫雞距尖揚子校經聊
以贈蜀麻江楮報何嫌

赤蟻辭送楊外武廣南招安

南方赤蟻大若象潛荒穴洞人莫逢天公合雨不
決雨從橫亂出將自封侵壇交壤壞壞城市戰鬪億
倍南柯雄嘗聞穿山食此物此物既大非常凶張
舌流涎莫可餌枉咏不怕長戈春今令智者以智
取即見蠃醢傳太宮因而使知禍福理天子下令
雲從龍

走筆戲邵興宗

子魚一尾不曾有又諾毗陵蒼鼠毫細粒吳粳誰
下咽尖須也管底能操

送中舍襲之宰南鄭

長陽直上幾重灘蒼煙古栢漢

脚兩橋卓个壇出水槎頭一絲挂穿虹雨
風大抵如南國期會先時俗自安

送王察推續之鄧州

昔向南陽憶洛陽秋橙初熟半林黃車過白水沙
痕關鴈落鉗盧稻穰長廢壘漢碑金刻字古原秦
冢石為羊太平羽檄何曾有賓主相歡菊薦觴

戲酬高員外鯽魚

天池鯽魚長一尺鱗光鬣動楊枝磔西城隱吏江
東客晝日馳來奪炎赫冷氣射屋汗收額便教斫
膾傾大白我所共樂仲與伯羨君赴約笑啞啞持
扇已見飛鸞翻欲往從之雲霧隔

送何濟川學士知漢州

丞相初得君有志重儒術乃言天下士徒此占清
秩遂懲銜鬻人忝冒十八七進君天祿閣此衆為
第一又薦王張韓恬可與君匹吾儕宜慙羞空自
負朝鞞欲歸無田園強住枉歲日值君乘高軒西
望函谷出當時迎長卿書史傳未悉車馳及襁負
千萬金 語老農喜君來田租不安率織婦喜君
來縑機

畢府胥喜君來潛責去暴扶疾苦無
幸畫錦榮既浮康民美方溢真為

和達觀師聞蟬

飲餘
餘風噪遍高枝為俗龍聾欲比伯夷清
已甚
冷周粟腹常空

依韻和杜相公謝蔡君謨寄茶

天子歲嘗龍焙茶茶官催摘兩前牙團香已入中
都府鬪品爭傳太傅家小石冷泉留早味紫泥新
品泛春華吳中內史才多少從此莼羹不足誇

依韻和接花

唯是圃人巧非關元化徧折條違物理遷艷得花

先生文集目錄卷第十六

石曹光道風拔檜

飲劉原甫家

送監押曹供奉

答仲原遺酒

送張生還和州

李少府夫人挽詞

送韓寺丞宰蕭山

蔡君謨示弩牙

和原甫中新菊

和仲源獨夜吟

寄題琨瑤洞

許生題跡

得溫梓戲賦

是木州法喜堂

題瀟僧錄石

題無州息心亭

送晉原詹主簿

宿倉

閔尚衣盜袴

胡夫人祝歌

裴直講遺鹹豉

贈春如晦水利梨

送樂職方知泗州

和劉原甫試墨

喜雪

送劉職方知汾州

雪後晚過天漢橋

送崔殿丞知廬州

見水牛拽車

吳大博遺柑子

和普公東園十題

目錄終

宛陵先生文集卷第十六

和曹光道風拔三檜

飄風西北至樹苦萬繹牽君家三古檜繁根龍地
纏其固謂不拔朱欄擁青塼今同秀林木摧倒誰
復憐安得百力士扶持尚可全慎勿伐作薪豈無
庭燎然

飲劉原甫家原甫懷二古勸酒其一齊

之大刀長五寸半其一王恭時金錯刀長

二寸半

工人勸客飲勸客無天妍

物先射以

年我料孔子履久化武庫煙固知一氏梭飛朱屨
兩天世無軒轅鏡百怪爭後先復聞豐城劍已入
平津淵聊讎二百載儻有書盡傳嗚呼纔十一便
可傾觥船探懷發二寶太公新室錢獨行齊大刀
鎌形末環連文存半辨齊背有模法圓次觀金錯
刀一刀平五千如其文如此精銅不蠹蝕肉好鉤婉全爲
君舉酒盡跨馬月娟娟

送嘉州監押曹供奉測

舊友尹師魯嘗作送子文文存人已歿行復我何
云平時爲郡尉遐方宜撫軍定過楊雄宅野鶴自

成群

荅仲源太傅八日遺酒

陶潛九月九無酒望白衣何言先一日雙榼忽我
歸借問遺酒誰天宗分日暉明當酌大斗黃菊羔
醅肥李賀諸王孫作詩字欲飛聞多錦囊句將報
慙才微

送張生還和州

山頭孤石望來久天外行人今獨歸藥囊自有留
生術不管淮南木葉飛

李康靖少傅夫人挽詞二首

九月秋風急三川苦霧迷

放度筆短蕭

齊寶劍知終合靈蟾已墮西松門來會葬車馬幾

千蹄

板輿曾至鄭靈輅此歸周行哭人增慕凝笳月正

秋九原開柩穴故土覆新丘歲晏寒松下茅苦孝

子留

送韓文饒寺丞宰蕭山

吳會未探冗廣陵先看潮橫江百馬怒卷海萬鰲

囂舟楫凌湍發魚龍接浪跳薄言增勇氣少當舉

山瓢

蔡君謨示古大弩牙

黃銅弩牙金錯花銀闌線齒如排沙上立準度

省括箭溝三道前直窰其度四寸寸五刻塗光

歷無纖差蔡侯出此問誰得往年客遺來瑯瑯

瑯瑯城穿厚壤既獲磨沆爭傳誇莫知歲月孰製

作精妙近世應難加發機高下在分刻令人妄射

功仍賒願侯擬之起新法勿使邊兵死似麻

和劉原甫省中新菊

華省切星斗沉沉嚴燕房秋風茂陵孫種菊爛生

光天晴蝴蝶飛上下舞雙黃劉郎才筆豪移榻吟

在傍日晚吏已散殘景上粉牆有酒無飲伴掇英
襟裾香還思陶淵明弃官歸柴桑東籬獨此物盈
把恨無觴賴有白衣來好事遺壺漿適意各一時
豈乏同舍郎

依韻和仲源獨夜吟

秋鴻聲澀秋絃苦塗金博山煙夜吐寂歷虛堂燈
暈生在人共聽西窗雨

寄題周敦美琨瑤洞

仙人采玉驅雄龍列山剖璞青腔空因邃爲堂曲
爲室石乳溜壁光玲瓏仙歸龍去草樹長蔽翳不
復人蹤通指壇買墅下峯下洗斲務欲險怪窮地
鱗鹿跡尚莫到安問樵老諸牛童古人未得今已
得萬景付與由天公何當歸來斂頭角任從寶我
生白虹陰溪淺水菖蒲綠下有蝦蟇雙眼紅及時
佐酒斫兩股勿使更入明月中

許生南歸

大盤小盤堆明珠海估眩目迷精麓斗量入貢由
掇拾未必一一疵類無不貢亦自有光價此等固
知魚目殊許生懷文頗所以暫抑安用頻增吁倚
門老母應日望霜前稻熟春紅穉歸來爛炊多釀

酒洗蕩幽憤傾盆盃九卿
是嗇夫

愁晚朱邑當年

得沙宛楹棹戲酬

蒺藜已枯天馬歸嫩蠟籠黃霜冒幹不比江南橙
袖酸橐駝載與吳人看

寄題杭州廣公法喜堂

淘青研朱畫屋梁黃漆栢障連曲房日暉月色不
須照了了自可窺毫芒夕陰花斂似欲病飛鳥不
驚烏帽郎深山窮谷謾幽僻喜得吳儂是藥囊

題滿公僧錄西明軒

赤萍纔落鄧林外青銅半磨傍露明飛光斜入了
不隔坐卧一榻琉璃平西方古胡黃金質貝葉傳
寫烏行橫謂曉此教居此軒滿壁圖畫遙峯生

寄題撫州戴秀才息心亭

蒼蒼開幽林峯嶺日相對雲歸垂衣纓泉落嚮環
珮仕宦雖有負耳目得以貸俯仰宇宙中晏然維
進退

送臨江軍監酒李太博

三江卑濕地北客宦游稀霧氣多成雨雲蒸易損
衣白醪燒甕羨黃雀下田肥未辨殊方語山歌半

是非

道損司門前日過訪別且云計程二月到
郡正看暗惡海棠頗見太守風味因爲詩
以送行

蜀州海棠勝兩川使君欲賞意已猛春露洗開千
萬株燕脂點素攢細梗朝看不足暮秉燭何暇更
尋桃與杏青泥劔棧將度時跨馬莫辭霜氣冷

送雪竇長老曇穎

朝從雪竇請暮卷雲衲輕莫問居士病自從他方
行吳霜點鬢根海鳥隨衆迎安隱彼道場萬事都

忘情

送襄邑知縣杜君懿太博

霜落水未落令君將度河農耕休叱耒女織罷鳴
梭赤幘驅亭長丹砂挈印窠無慙浚儀政才比陸
雲多

送晉原喬主簿

太守登車時我病不能出遙期玩海棠度險馬屢
叱唯畏行邁遲惡欲及春日何爲愛此花曾非桃
杏匹生紅濃復淺瘦帶備北密湖傍幾十樹雕盤
擁新漆酒傾瑠璃盆月上歡未畢絲官同遠宦簿

領無督詰刻意詠芳菲追捕李杜夫

十一月十三日病後始入倉

曾非雀與鼠何彼大倉爲狐裘破不溫黃狗補其
皮霜花逐落月綴在枯槁枝予年過五十瘦寢冰
生肌

閔尚衣盜袴

昔聞廉叔度能使民多袴多袴非或貪持新不忘
故嗟嗟亦王官奚自門閔汗中府中紋綾袖之呼
馬去左右即其私邀索乃就捕三公出死狗訓導
能有素今同竊缺者見爾皆此趣

胡夫人挽歌

子哲

已哉胡夫人其壽七十餘其子哀母死一夕髭皓
如髭白髮亦白長號守茅廬扶棺埋吳雲來會傾
市墟誰復向寒月卧冰求鯉魚

裴直講得潤州通判周仲章鹹鼓遺一小餅
金山寺僧作鹹鼓南徐別乘馬不肥大梁貴人與
年少紅泥罌盞鳥歸飛我今老病寡肉食廣文先
生分遺微

贈裴直講水梨二顆言太甚荅吳甘三顆
以爲多走笔呈之

綠橘似甘來太學大梨如水出咸陽莫將多少爲
輕重試擘霜包幾瓣香

送樂職方知泗州

長堤凍柳不堪折窮臘使君單騎行蘇合輕裘霜
莫犯銅牙大弩吏先迎山旁楚賈連檣泊水上禹
書寒磬清試向郡樓東北望煙波千里月臨城

和劉原甫十二月十日試墨

海神不朝雪不作大梁塵土蔽天高道傍牛喘復
誰問佛寺吹螺空唱豪相公跪香恬且佚陛下
減膳心焦勞因君試墨偶有激勇辭壯筆揮長刀
予無柰何亦思飲飲竭甕甕從鋪糟

十二月十三日喜雪

三日朔風吹暗沙蛟龍卷起噴成花花飛萬里奪
曉月白石爛堆愁女蝸大明廣庭踏朝駕雉尾不
掃粘宮靴宮中才人承聖顏捧觴稱壽呼南山三
公免責百姓喜斗酒十千誰復慳

送劉職方知汾州

齊

西河風俗厚尚翹古所聞子夏有遺廟千木有遺
墳太守下車日當先此二君不必汾水上秋風看
鴈群

十三日雷後晚過天漢橋坂上行

堤上殘風雪橋邊盛酒樓
據鞍衰意盡倚檻艷歌
留海月開金鑑河冰卧玉虬
當年洛陽醉偏憶董
糟丘

送崔黃臣殿丞之任廬山

驂駒西行四千里直度經橋百尋水
石上菖蒲未見花蒙頂茶牙初似紫
采時應憶故園春故園開焙亦思人
其間杜鵑不中聽掩耳聊看錦雉馴
青崖鞭垂瘦地尾仙人拍節隨鱗起
斫取他年跨馬歸
劔棧秦山多折筮

十九日出曹門見水牛拽車

只見吳牛事水田只見黃犂負車輓
今牽大車同一群又與騾驢走長陌
印頭闊步塵蒙蒙不似綏耕泥汨汨
一夜眠頭向南越鳥心腸誰辨白

吳太博遺柑子

大學先生欺綠橘

裴如晦近有贈

吳興才士與黃柑黃柑似日

勝崖蜜帶葉初擎翠竹籃還料楚王曾未識
徒將萍實託江南

和普公賦東園十題

榭芳亭

結宇東園中種花待春風口
紅今日映綠髮他年羞青銅
縷衣手折枝上

清心堂

寂寞外物亂境清心亦清彼皆居深谷此獨處重
城夷齊食薇蕨千古首陽名

石筍

削出青山根峭立碧玉圭不作湘竹老不染帝子
啼不爲盤中蔬豈與煙茁齊

待月亭

明月過三五飛出滄海遲佳人望清夜隔樹光離

離不須磔蝦蟇寒魄自有虧

虛白堂

空堂絕纖塵虛靜自生白長風吹月東牕戶如不
隔漆園茲趣深赤水珠難索

假山

太山不可歷石齒齧人足聊集怪與竒蒼蒼都在
目何須引寒流平地作溪谷

書齋

聖賢有事業皆在經籍中已愛牙作籤可輕山賜
銅還來讀詩禮不用辨魚蟲

小池

小池依小山山晴翠光入無容群蛙鳴間有孤鶴
立曾不起波瀾石郵風自急

紫竹

西南產脩竹色異東筠綠裁簫映檀脣引枝宜鳳
宿移從幾千里不改生幽谷

山茶

紅鷓勝朱槿越丹看更大臘月冒寒開楚梅猶不
柰曾非中土有流落思江外

宛陵先生文集卷第十六

宛陵先生文集目錄卷第十七

除夜雪

和吳冲卿元日

元日

和仲源暮冬見寄

送韓寺丞

和原甫風花

貽妄怒

十六日會靈火

送潘司封知解州

飲酒呈鄰幾原甫

寄渭州王龍圖

雪中赴宿懷鄰幾

送薛虞部

送宣倅馬屯田

觀拽龍舟

二月四日雪

答劉原甫

聞方璉長老

垂拱殿起居聞捷

十六日雪三首

聞密賜

送晏寺丞

江鄰幾饌鱮

淘渠

蓬生麻中

賣鹿角魚

夜與原甫步歸

高陽關射亭

京師逢賣梅花

欲訪宋中道

丁右丞挽辭二首

廷老傳沛語戲作

送胥寺丞赴洛

送徐殿丞婺州倅

韓子華招飲

送下第親舊

燕

雨

晴

送胡公疎之金陵

送裴虞部知信州

送李推官之岳州

和南齋畫壁歌

嫗婦

送端式歸漳州

送黃殿丞潤倅

揀花

和端式見贈

楊公蘊華亭宰

保之遺水墨扇

送汝陰宰孫寺丞

和曇穎四明十題

目錄終

宛陵先生文集卷第十七

除夜雪

擊鼓人驅鬼漫天雪送寒臘從今日盡花作舊年
看者樹多還墮隨風積更乾明朝預王會畏濕兩
梁冠

和吳冲卿元會

千官車馬闐闐來晝漏始上闐闐開我左右升
龍進昨夜雪飛雲作堆殿前冠劍魚鱗立東風入
仗旗脚迴黃鍾一奏寶扇掩玳簾卷起香霧排鳴
梢未盡霹靂響翠輦已退黃
聖人端冕御法

座大樂旅作聲和諧群公抃
四夷懷乘輿却入更衣閣通天絳袍陞玉榻百拜
稱觴萬歲聞兩廊賜食簪裾匝曲傳太定舞綴踈
波旋煙斂飭宮車衛官解嚴多士退日光停午氣
象舒吳君才華天下傑歸來作詩傳石渠石渠祕
邃無凡愚石渠酬唱皆嚴徐我慙短學復在後收
餘掇棄聊以書

元日

頻年無入閣今日預朝元丹陛發金奏侍臣稱玉
樽旗旌搖細仗雲霧啓千門却出蒼龍闕衣冠萬
馬屯

依韻和仲源暮冬見寄

曾未學黃庭衰頽已可驚詩能如阮籍評不愧鍾
榮玉軫調初美冰壺想更清兔園風雪甚還聽鴈
不聲

送韓子文寺丞通判瀛州

嘗聞河間守介直天下無選才才且殊鐵網收珊
瑚珊瑚得亦難鐵網取亦劬況茲戎馬郊爲貳維
多謨新春度滹池冰上少馳驅

十七日和原甫風花偶書用其韻

風花不戀枝脫萼亂翻飛自學雪中雪寧同垣上
衣繞庭面旋久無著象鳥爭御何處歸

貽妄怒

飲食良無遠近所美貴甘輒南方食蝦蟇密捕向清
吠齒四咀口且諱聞語輒忿喘此物何醜惡猶勝螺
螯蜆况西蜀亦取之水田名穀犬彼士不為慙吳人
休獨恹恹豈須若中州牛羊烹大臠

十六日會靈火

章聖皇帝興三宮三宮鼎峙何崇崇天聖七年六
月尾至清始災壇宇空于今二十有五載上元後
夜星軫中乃聞會靈五殿火丹焰徹天明月紅千
楹萬棟一夕盡赤煙奔突西南風先時二日車駕
幸為民祈福輸清表大臣驕蹇不從祀岳靈不
歆為不恭若此示變猶影響宜鑒陛下無情容神
非怒乙遂及甲天意警聖不警凶不獨洪水累堯
德堯仁未忍流離共

送潘封知解州

其父嘗守此州

鹽池暗湧蚩尤血紅波爛爛陽烏熱岸旁遺老記
南風五月清畦吹作雪白徑嶺上橐駝鳴太行山
中騏驥祭古人射利今人同行簡不因何由設朱

輜太守自東來先世大夫留故輜是非取與應不
移秦人休銜張儀舌

飲酒呈鄰幾原甫

天地不爭行日月不爭明晝夜自顯晦冬春自枯
榮夸父逐日死共工觸天傾二子不量力空有千
古名寄語賢與愚何嘗見長生我願會良友醉顏
日常頽東海爲酒罇五湖爲杯羹海罄湖且竭盡
倒爲解醒苟死不復知苟生徒牽情項籍乘牛車
馳上廣武城強梁取秦鹿慷慨猶爲輕歸來卧酒
家豈得慙公卿樂亦但如此舉世任營營

寄渭州經略王龍圖

西城橐駝來賀蘭入貢美玉天可汗蕭關夜開月
團團彈筆古峽鳴哀湍前將軍不擐甲取大官今
將軍能撫士尚盤桓河西五郡兵氣完駿馬躍稜
無箭瘢我嗟乘劣不受鞍焉得乞與都人看

二十一日雪中赴宿懷鄰幾原甫

正月東都雪多於舊臘時酒賓臨迫閣野雀集枯
枝馬向西城度花從上苑遲劉郎與江叟相對定
爭棊

送永興通判薛虞部

灰宮盜玉秦樓空南山不老天無窮
蘇碑剝爛少文字兩耕拾寶牛蹄中
其旁築城聚貔虎黃土爰業如削銅
西州吏人氣吐虹摧鱗斂角聽相公少
年別乘勤爾躬幙府甚盛瓊瑤叢

送宣州簽判馬屯田兼寄知州邵司勳

寒溪翠拖碧玉帶蒼山晴卧蛻骨龍
水邊苦竹抽肥筍石上老蕨拳紫茸
泊船繫纜宿明鏡昭亭廟古攢瘦松
陰風雨電潭心起雲遮北嶺如墨濃
田秧浸綠白鷺立內史出喜嘉賓從
昔時謝公來賽神蘭肴作椒金作鍾
聯詩娃何名已失板蠹粉

蟲鳥蹤我鄉復傳召南化磨鏤果石君亦逢

觀拽龍舟懷裴宋轉李

截春流築沙坻拽龍舟過天池尾
鑿鑿角岐波千夫推萬鱗隨驚鴻鵠
沉魚龜春三月輕服轉薄水殿習水
嬉馬特特來者誰魏公子人不窺車
集其涯邯鄲倡士交鮑銀餅索酒傾
玻璃用集如水贈舞兒却入上苑看
鬪雞擊毬彈金無不為遊聞天子降
玉輦當門虎脚看大旗春風吹花入
行輶紅錦百尺爭蛟螭雲蓋迴綵纜
維明年結寒觀未遲

二月四日雪

前日春風初擺條昨夜雪飛深一尺北帝及騰不行今春皇極無遺爾厄侵時奪氣四時錯歡問上天何不責天高地厚語難通使首下土徒叩額或言莫信難可聞鶴鳴至微猶不隔休問天問顏蹠休看花看壟麥

答劉原甫

生早多交友常恨會遇稀每念相笑語昨是今或非重惜向時游出處苦乖違從今儻有酒莫問梨栗微前夕呼我飲遣奴來扣扉暗犯風雪往醉脫冠服歸夜來新霽月清吐萬里輝劉郎戴幅巾江叟披褐衣相過無百步誰虞竊訶譏三家若循環但知具甘肥

聞語十方璉長老

舊居廬嶽寺新化給孤園還享國人供應無塵事喧有來聽喻筏一悟見吹幡不憶爐峯下臨溪看飲猿

十一日垂拱殿起居聞南捷

二月雪飛雞狗狂錦衣走馬回大梁入奏邕州破蠻賊絳袍玉座開明堂腰佩金魚服金帶搨前拜

晚稱聖皇一朝嚴氣變和氣初令漏泄飛四方將
軍曰青才且武先斬逗撓兵後強從來儒帥空賣
舌未到已愁茆葉黃徘徊嶺下自稱疾詔書切責
仍勉當因人成功喜受賞親戚便擬封侯王昔日
苦病今不病銅鼓弃擲無鏢鎗

十五日雪三首

寒令奪春令六花侵百花塘冰膠鷺嘴野水澀芹
牙擁柱輕於絮吹墀淨若沙乳禽飢啄木誰悞撥
琵琶

新雷奮虵甲密雪鬪鴉毛正欲裁輕縠重令著弊

袍沙泉流後凍煙夢圻還韜只待鄰醅熟微聲聽

小精

春風九十日一半已銷磨準擬看花少依稀詠雪
多官車猶載炭抱鵲不離窠向此興都盡戴家誰
復過

聞密賜

朝聞政府賀捷回夕賜明月五千枚巍巍聖皇德
所該廟略付與何有哉况未覆穴翦渠魁宜先戰
士老與孩傾肝瀝膽謝不敏豈可便恃張良才

送衛真宰晏寺丞罷長安

捨琴辭苦縣解劍入函關鵲報遠人至馬衝春雨
還荒榛郊北園葱翠國南山歸見蕭何政條令舊
鎬間

江鄰幾饌鱮

泥鱮魚之下曾不享嘉賓又嫌太健滑治洗煩庖
人煎炙亦苦腥未嘗輒向脣江侯昔南官家善無
此珍昨日邀我餐下筋勝紫鱗乃知至賤品唯在
調甘辛

淘渠

開春溝畎春泥五步掘一壑當塗如壞堤車無行
轍馬無蹊遮截門戶雞犬迷屈曲措足高復低芒
鞋苔滑雨淒淒老翁夜行無子攜眼昏失脚非有
擠明日尋者爾瘦妻手提幼女哭嘶嘶金吾司街
務欲齊不管人死獸顛啼

蓬生麻中

麻畦無曲木蓬質有樛莖所託脩仍直安能縱復
橫擇鄰聞舊毋益友記諸生蕭艾從茲遠蒿萊不
可并何嗟蔣詡逕孰念衛人行儻匪緣其地秋風
廣漠驚

賣鹿角魚

水中龍角而足海小魚角
不擬龍乃擬鹿譬
彼蝸抗鬪犢漬以醎鹵久且醜持賣都市參鼎餗
此人何苦馱猪羊甘爾臭味不飽腹

夜與原甫江家步歸二十三日

丹砂漆盤盛井水冷浸半坼山櫻花始見春色不
柰喜黃昏招飲夜還家劉郎居南我居北陌上泥
開天正黑風吹蠟燭燒未明素絲作履惜不得

高陽關射亭

星弧射狼夜夜張角弓備寇不可忘將軍屯師古
關下不尚武力何由強日與兵官來會此弓須射
石箭射長更如羿中九烏斃獨見杲杲明扶桑

京師逢賣梅花五首

此土只知看杏藥大梁亦復賣梅花此心還似庾
開府不惜金錢買取誇

驛使前時走馬迴此人初識越人梅清香莫把茶
縈比只欠溪頭月下桮

憶在鄴君舊國傍馬穿脩竹忽聞香偶將眼趁蝴蝶
去隔水深深幾樹芳

曾見竹籬和樹夾高枝斜引過柴扉對門獨木危
橋上少婦髻髮猶戴歸

此去吾鄉二千里不省素夢兩三年移根種子誰
辛苦上苑偷來直幾錢

三月五日欲訪宋中道遇雪而止

蝴蝶飛時雪鬪輕滿街撩亂得人驚欲尋宋子東
城去馬畏春泥不敢行

觀文丁右丞挽辭二首

預政公槐亞談經帝席陳儉恭齊國相清淨漢廷
人去夢嘗爲蝶遺文不解麟一聞車馬幸豐賜及
孤臣

春風百花發露挽九原歸白馬悲鳴駐黃鸝下上

濕衣

東坡新補盛門外弔人稀獨見東牀客攀車淚

廷老傳沛語戲作

夷門市裏侯嬴老公子時能釋禮過莫問孟嘗招
致客薛中遺俗尚應多

送晉平叔寺丞赴洛

單車細馬出虎牢春雲黯黯百舌喙穀雨已近花
欲盡秉燭夜飲朝坐曹因君重思昔日歡醉筆狂
掃嵩丘高于今零落二十載縱在各各歎二毛試
採上陽何首烏刮切仍致苦寸刀俗情相望亦異

此競欲折筍籠含桃

送婺州通判公殿丞赴上當在後年夏

疾湍怒蛟龍不畏東風逆
汙汙奔長淮千里在咫尺
辭梁始及晨過宋尚未夕
南州豈難到何處行迹

三月十日韓子華招飲歸成

清明曉赴韓侯家自買白杏丁香花
雀眼塗金銀蔑籠貯在當筵呼舞娃
舞娃取捧笑向客不假神
壞新烏紗朝來我會報生子賀勸夫自浮紅霞酒
狂有持梧桐板暴譜一似鄒陽橫槊

士當時憐朕猛虎牙編裘不容又何益鸚鵡洲上

空囊

送下第親舊

花開風雨惡坐見紛紛落明日結手時又復有脫
葉莫嗟樹漸老樹老子亦著共愛西枝繁不數東
枝弱他年會有春却看西枝薄

鷺

一避吳宮火千年楚屋春翅迎風雨健聲入戶庭
頻掠水過長渚街蟲落覆塵林將漢皇后故故比
輕身

雨

春雲易成雨一日幾迴陰
鷺濕飛猶快花寒色更深
邀車愁客遠盤馬畏泥侵
向晚晴光吐西牕
影臨

晴

風掃天如鑑雲間日似萍
苑花猶帶濕蔬甲已微
青蝶翅粉應薄塘滑波更
渟尋春不惜醉莫笑髮
星星

送胡公疎之金陵

綠蒲作帆一百尺波浪疾飛
輕鳥翻瓜步山傍夜

人石頭城邊舊游客月如冰
輪出海來江波千里無物隔
自古有恨洗不盡于今萬事
倚由白依稀可記鮑家詩寂
寞休尋江令宅楊花正飛鮪
魚多食膾舉酒謝河伯但令
甘肥日飽腹誰用麒麟刻青
石去舸已快風亦便寧同步
兵哭車軌

送裴虞部知信州

攢青歷歷正面山刺史日坐
雲屏間楚人竟握水精璞漢
女買作月珮環時惟產寶不
重穀願當仁俗無弃管往辭
丞相相有言物景清絕何由
攀

送李推官之岳州

崑崙鷺子五兩竿霧露薄水平湖寒風帆羨滿八
百里夕從岳陽樓上看魚跳鷺五月鉤下星斗爛
爛垂欄干羽書不到罇俎裏蠻兵沈去荆楚安武
尋燕公舊賦筆磨圭刻碧獨可完

和和之南齋畫壁歌

終南下臨長安城峻欄高檻黃金羸嵩山亦近洛
陽陌鮮車怒馬一日程大梁平廣匝千里不見雲
峯來眼底其間自有高趣人掃室呼工崑壑啓初
疑巨靈勇擘拳不比將軍能聚米暗雨輕煙滿室
中塵事如脂一朝洗又將餘力作修竹石上散壘

風撼玉葉斜枝亞寒聲盡節老根獐生意足柯須
踐苔眠綠陰然後始爲嵇阮公三賢歌詠已見意
舞女不省頻整簪

嬌婦

黃金一丸入雲端群貧望逐滿長安衆人爲貴嬌
不惜弃擲如泥資彈射藏身葉底有能鳴羣負春
風拖兩翮不飛上天訴至珍幾人辛勤揀砂石

送端式歸漳州

來居天王都常夢苦竹溪乃識高僧趣不爲利物
迷海燕乘華屋區區竟銜泥安知矯翼鷗豈類斷

尾難性同而質殊何必莊指齊

送黃殿丞通判潤州

前年江州飛火龍樓殿化盡山將鎔今聞棖棟復
華壯大閣渠渠出波上南徐別乘簡且開下馬岸
秀呼盡舫永日江風不畏人檝師孫獐欺白浪衣
上京塵莫厭多斗撒中流雲在望

揀花

紫絲暈粉綴薜花綠羅布葉攢飛霞鶯舌未調香
萼醉柔風細吹銅梗斜金鞍結束果下馬低枝不
礙無闌遮長陵小市見阿姊濃薰馥郁升鈿車莫

輕貧賤出閭巷迎入漢宮人自誇

次韻和端式見贈

不爲阮步兵發詠怨朝陽不學屈大夫行吟思蹇
芳其雨豈無時細佩空自香吾道不苟合我懷固
有常江南一畝宅近在句溪旁仕官且如此夢寐
安敢忘以予論言多重歌木桃章

楊公蘊之華亭宰

月徑千里大中有神娥宮宮旁種玉桂柯葉垂瓏
瓏蝦蟇穴其根出輒氣墨蒙先魄縱復吐血赤如
頑銅不知從何時更使人蹤通年年折桂枝竟少

尚易充今年物都盡秃株立童童株秃莫爾藝墮
雲雙手空歸來走海上買鶴問吳翁

端午前保之太傅遺水黑扇及酒

畫扇雙酒壺置前兵吏立言將國匠奇重以風義
執樹石冰上看山河月中入便持菖蒲飲不畏青
蠅及

送汝陰宰孫寺丞

編郎唱擗鸞尾下頽水落日蛇鱗生綠蒲被岸漁
網舉黃鳥啄甚縵車鳴吏無諠粗官正來不借魴
鱖與吏烹饋吏人情見里黨官非喜慢知官清

和晏穎師四明十題

雪竇山

重雲不藏春深竇常有雪曉月號松枝晴壁挂海
霓終恍無心人區區佩環玦

龍隱潭

老龍戀潭窟不雨亦不雲吐涎出溪滑吹腥隔林
聞疾雷驅未去魚鼈競紛紛

含珠林

山爲驪龍蟠谷作驪龍顛珠樹存其間誰採明月
來何須循海隅笑蚌未成胎

偃蓋亭

既將茅覆簷復有松爲蓋五里入山時憇此得寒
籟曾無康樂游但見雲衲會

雲外庵

山僧好寂靜入雲恨不深峯間一雨昏林表孤燈
沉往來有猿狖呼嘯自成音

石筍峯

巨石如龍孫聳聳煙霧裏明明落溪口納納喧灘
齒何當助齋盂菌蕃徒爲美

宴坐巖

智覺禪師
於此不睡

宛陵先生文集目錄卷第十八

和原甫省中畫壁

和原甫山水

和原甫見寄

醉和范景仁東軒

與子華自內中歸

送傅都官待闕

吳冲卿出古飲鼎

江鄰幾邀觀書

和冲卿秘閣觀墨蹟

同鄰幾登吹臺

逢羊

和張寺丞見贈

和原甫對月見邀

和原甫月夜獨酌

和原甫早赴朝

和原甫盆池

送提點施屯田

和鄰幾晚赴館宿

送蒙城宰林寺丞

和原甫曉雨

送余中舍知德陽

勉裴如晦

送謝寺丞知餘姚

與蔣秘校久別復見

別弟彥臣

和穎老見寄

送余中舍韶州錢監

七夕詠懷

送弟禹臣

送叔昭上人

山茶樹贈李廷老

送吳都官成都倅

和原甫昭君辭

再依韻

飲劉原甫舍人家

和求叔退朝見寄

劉涇州硯

送劉秘校赴婺源

送閻郎中知磁州

和景彝冒雪晚歸

和景彝赴鄰幾飲

和冲卿傷何濟川

和景彝赴省宿

送李獻甫

送周諫議知襄陽

和原甫畫蟹

目錄終

宛陵先生文集卷第十八

依韻和原甫省中松石畫壁

富彥國為省判
日令許道寧畫

山林與城闕事物不相對
唯聞秉道義所處無內外
趨煩而毀靜此理乃俗輩
昔有天下賢喜得名筆
會買粉塗南墻松石生
屋內石怪如春濤松偃
如起籟畫來二十年數
偶未輒愛罕親憑按顏
且覩抱犢背雖當省闈
嚴晦昧欲何賴今逢
茂陵人獨唱亦豪邁

依韻和原甫廳壁許道寧山水云是富彥

國作判字

山情水思半軒
暇佚無論歲月自能攀

遠居閑雅有才高方

依韻和劉原甫見寄

憶昔游臨汝于時太守賢
小尋順風處城得豢龍
遷民頸纍纍大池荷一一
圓周碑嗟缺矣少室望
嶄然羸馬居人後歸禽落
我先事還如響答老去
若波旋賦分都應定元功
豈得偏不須天以問自
可鑒於前王粲今方樂邊
韶舊好眠漢宮聊擲彩
梵學競通禪語道滔滔是
論情往往牽平生二三
人南睇不勝情

醉和范景仁賦子華東軒樹次其韻五月廿

樹影落東墻影微人已醉
休看枝上綠但對眉間
翠

五月十四日與子華自內中歸

君注起居同左史我為委吏退延和共經南陌東
風急側帽偷看意已多

送傅越石都官歸越州待闕

越客舟從員定至夜夜鏡湖生夢寐曉度吳江百
尺船洗眼重看會稽羣買臣負薪樵德荒伯鸞賃
春苔曰葉綠橘黃柑帶葉白粳紫蠓侵霜飲食

解易美瘦易飽補佐酒甘佐醉莫論仕官遠與
近布被練袍何所利忍情不忍乞丐爲且返故廬
聊以違

吳沖卿出古飲鼎

精銅作鼎土不蝕地下千年
花暮腹空鳳卵留
藻文足立三刀刃微直左耳可執口可斟其上兩
柱何對植從誰發掘歸吳侯來助雅飲歡莫極又
荷君家主母賢翠羽胡琴令奏側絲聲不斷玉箏
繁繞樹黃鸝鳴不得我雖衰亦爲之醉玩古樂今
人未識

二十四日江鄰幾邀觀三館書畫錄其所見

五月祕府始暴書一日江君來約予世間難有古
畫筆可往共觀臨石渠我時跨馬冒熱去開厨發
匣鳴鑰魚羲獻墨迹十一卷水玉作軸光䟽䟽最
奇小楷樂毅論永和題尾付官奴又看四本絕品
畫戴嵩吳牛望青蕪李成寒林樹半枯黃荃工妙
白兔圖不知名姓貌人物二公對弈旁觀俱黃金
錯鏤爲投壺粉障復畫一病夫後有女子執巾裙
床前紅毯平圍爐床上二姝展氍毹床屏風山
有無畫中見畫三重鋪此以爲甚意思殊孰真孰

假丹青模世事若此還可

依韻吳冲卿祕閣觀逸少墨蹟

竒哉王右軍下筆若神聖長文與伏弩無不從號
令賢豪雖林立帖斂孰敢競師徒氣揚揚龍虎旗
正正勝聲塞宇宙自昔無此盛赫赫猶至今瑰瓚
曷云並崇崇中祕書濟濟士游泳墨寶收盈厨來
觀遇已橫始知前人蹟鶴多自失勁紙素儻未壞
萬古傳莫竟一從歸人間夢寐不能更但媿將短
才輒爾接高詠何羞趙壹窮自有鍾嶸評嘗聞曹
將軍尚請賦競病我生羣俊末貧賤亦足慶文成

終媿君鉞刀值枯梗

同江鄰幾龍輔之陳和叔登吹臺有感

在昔梁惠王築臺聚歌吹笙簫無復聞黃土化珠
翠當時秦兵強今亦歸厚地我與諸賢良舉酒莫
言醉曾誰問孟軻空自有仁義

逢羊

予晨過北郭見群羊有羝處前其首邛然而偉脂
其角拱然而聳其毛茸然而長自膊至腕綖綖與
纓胡相若其群狼逐而擁趨如奉焉及其宰也羝
存而群死之予歸作詩示諸友云

牧人垂長鬣驅羊從北道老羝壓大羣毛比長鬣
好暮歸同一欄朝出不擇草既肥當用烹從羝
獨保狡誘以全軀角尾徒爲老

依韻和張中樂寺丞見贈

朝車走麟麟暮車走轅轅黃埃蔽車輪赤日燦車
屋靡論遠與近安閒踈與熟賢愚各有求往返相
磨礪我馬不出門我蹟亦以跼心慕中樂賢道義
聞且宿其言清而新其貌古不俗書可到二王辯
可折五鹿往見未爲勞定交然後篤惠詩何勁敏
對敵射銅鏃穿楊有舊手驚雀無全目強酬非所

當宜將弓矢速

依韻和原甫對月見還不至

每愛孔北海樽中常不空今無酒與客唯有月兼
風遠色曾何隔微涼亦已同更期三五夕靜坐接
談叢

依韻和原甫月夜獨酌

月下馬蹄休擾擾夜涼蟲響競囂囂一盃獨飲愁
何有孤榻無人膝自搖北斗柄高天漸轉小冠簪
冷髮微凋誰知靜對頽然影竟夕幽懷豈易聊

依韻和原甫早赴朝行旦假寐

月落西樓露氣寒大明將曙望清斑燭房猶照衣
冠上漏舍欲爲魚鳥間入仗采旗開日月在庭公
袞儼雲山我慙一似朝宗亦得隨流到海還

依韻和原甫新置盆蓮蓮花菖蒲養小
魚數十頭之什

瓦盆貯斗斛何必問尺尋菖蒲未見花蓮子未見
心小鮮不足烹安用芎餌沉戶庭雖云窄江海趣
已深襲香而玩芳嘉賓會如林寧思千里游鳴櫓
上清泠

送施屯田提點銅場兼相度領外鹽入虔吉

江西采銅山未竭南越熬波海將結主人貪利不
畏刑白日持兵逾盜竊銅私鑄器鹽奪商死共吏
爭蛇鬪穴姦豪乘勢倚蠻陬劫掠聚徒成蟻垤今
雖驅翦嶺下平尚恐根存更生孽因擇健才通便
民付職與權將有設秋香亭上共爲賓却作主人
殊少悅徂東走北十五年只有山川看不別

依韻和江鄰幾癸巳六月十日同刁吳韓
楊飲范景仁家晚赴館宿觀吳興太守章
伯鎮題壁記辛卯仲秋初吉九月十一日
十月二十二日十二日一日壬辰二月一日

館直慨然有感

江翁多感槩飲散來直廬題蹤有舊友連蹇常與
渠昨歸天祿下念昔悲有餘未久復外補安能戀
清虛得請向茗雲幽懷寄禽魚高城浸湖光面面
當紅蕖晚乘畫舫游四坐羅輕裾數盃已酩酊萬
事應破除不愛趨時近不恤與世踈百歲且過半
冉冉將焉如誰慕八十叟猶在磻溪漁嗟哉再宿
夕乃自仲秋初清談固隔絕可見壁上書

送林大年寺丞宰蒙城先歸餘杭逋之姪孫

東方有奇士隱德珠在淵川壑爲之媚草樹爲之

妍歿來十五載獨見詩不似先生
淮蟻今爲蒙城宰歸問浙江船何時
明月邊有舄不化鳧有琴何用絃真趣還自得治
民唯力田

依韻和原甫六月八日曉雨

侵曉忽飛雨颯然戶庭涼滴堦初聞聲濯樹暗有
香吹燭燭閉鳴雞濕昂昂稍已便衣冠喜氣眉
宇翔安樂如浦魚响沫久已望塵纓自可潔何必
念滄浪

送余山會知漢州德陽

匹馬易爲秣單車長是輕
城石上樹林暗山根江水明
將行

勉裴如晦

裴侯失嬰兒心腸如焚煎
全收拾見顏色瑩澈猶自妍
易捐況多令男子拭淚慰目前

送謝寺丞知餘姚

其姪師厚嘗宰此邑

姚江千里海汐應山井亦與江湖通
知數日日舉案將無窮高堂有親甘可養下舍有

弟樂可同縣民舊喜諸郎政芻力莫媿今爲翁

與蔣祕別二十六年田斐二十年羅拯十

年始見之

我今五十二常若離別前屈指數離別正去一半
年三君異出處相見有後先蔣最會遇早羅倍晚
於田仕宦比我遲官資居我前此亦漫輕量無限
歸荒埏所喜笑語同各驚顏貌遷髮有霜華侵目
有蜘蛛懸有酒易以醉有奚徒用妍醒來念功名
病蠅希蜿蜒安得有園廬寬閑近林泉養魚數千
頭種蔬三四廛餘蔬皆稱此嘉果植亦然既無俗

造請窮冬事高眠困貯白粳稻酒沽青銅錢飯過
引數杯令兒誦嘉篇仰首看赤日區區隨天旋朝
見出滄海暮見入虞淵畢竟將何窮磨滅愚與賢
億億萬萬載筋骨非玉堅桐棺三寸厚在昔誰免
焉去去欲及時嗟嗟無由緣

別三十弟彥臣二十日

朝辭都城裏暮止汴堤頭滿目非相親寂默對河
流

依韻和雪竇山曇穎長老見寄

處山無獸山林鳥正關關月入潭心白花明谷口

閑采薪能自至流水不知還聞欲觀滄海高峯
亦攀

送余中舍監韶州錢監

孤青水中石片白蒼梧雲虞舜不可見蕭韶不可
聞君爲漢錢官鑿山取銅鑛韶石不生銅留爲千
古景

七夕詠懷

織女無恥羞年年嫁牽牛牽牛苦娶婦娶婦不解
留來徃一夕光弈弈河漢秋輕傳人世巧未知何
時休喜鵲頭無毛截雲駕車輶老鴉少斟酌死欲

同造舟明月不到曉是夜曲如鈎天意與物理注
錯將何求嘗聞阮家兒犢鼻竹竿頭人生自有分
豈媿曝衣樓

送弟禹臣

王都寓居樹陰少惟有墻隅兩株棗去年相見棗
花開今年相別棗實好棗實未剥風莫吹我鬢愁
多似蓬葆淮南到時何所逢秋葉蕭蕭蠲應老憶
昔共歸江上初對飲蘆洲月如縞半夜魚跳鏡破
光萬事臆然何足道自此重經二十秋不改青青
岸旁草

送叔昭上人附施屯田歸宣城

瓶巾過江去遠託故人舡借問風濤勢何如盃
年

山茶花樹子贈李廷老

南園有嘉樹華若赤玉盃曾無冬春改常冒霰雪
開容從天目來移比瓊與瑰贈我居大梁蓬門方
塵埃舉武尚有櫬何地可以栽每游平棘侯大第
夾青槐朱欄植奇卉磨碧爲壅臺於此豈不宜亟
致勿徘徊將看榮茂時莫嗤寒園梅

送吳照鄰都官通判成都

君家婦何賢捨舟具車載五年夢在梁三年行向
蜀迢迢今日同辛勤昔時獨看花久莫留買錦慰
不足歸來兒女大婚嫁應相續

依韻和原甫昭君辭

武帝常勤兵北登單于臺始欲以威伏竟亦慙懷
來徒令出塞師萬里求龍媒未弭後世惠玉顏困
黃埃丹青不足恨謀慮少徘徊月如漢官見心向
胡地摧在昔李少卿聽箏動悲哀壯士尚如此娥
眉安得開情語既不通豈止腸九回初冬誠難保
死不如草萊

再依韻

一嫁異域去不復臨鏡臺念昔辭家時豈為單于
來適遐固亦命配醜非由媒始欲並日月今嗟隨
風埃僕侍共慘戚山川空徘徊鴻鴈為之悲肝腸
為之摧寧聞琵琶樂但聞琵琶哀休言羊酪甘誰
喜瓊廬開故國萬餘里此生那得回乃知女子薄
莫比原上萊

飲劉原甫舍人家同江鄰幾陳和叔學士
觀白鵬孔雀鳧鼎周亞夫印鈿玉寶赫連
勃勃龍雀刀

主人鳳皇池二客天祿閣共來東軒飲高論雜談
詭南籠養白鵬北籠養孔雀素質水紋織翠毛金
縷薄大誇鳧柄鼎不比龍頭杓玉印傳條侯字辯
亞與惡鈿劍刻辟邪符寶殊制作末觀赫連刀龍
雀鑄鏤鐔每出一物玩必勸衆賓酌又令三雲髻
行酒何倬約固非世俗驩自得閱古樂聖賢泯泯
去安有不死藥竟知不免此烏用強檢縛開目即
是今轉目已成昨歸時見月上酒醒見月落恍然
如夢寐前語誠不錯

次韻和求叔退朝馬上見寄兼呈李華原甫

公歸初退內朝班馳道南頭躍錦鞍欲雨浮雲猶
復暗背陰殘雪愈生寒穿槐已覺春禽語載酒重
思結客驩吟寄侍臣知有意翠鬢爭唱口應乾

劉涇州以所得李士衡觀察家號蟾蜍硯
其下刻云天寶八年冬端州刺史李元德
靈卵石造示劉原甫原甫方與予飲辨云
天寶稱載此稱年偽也遂作詩予與江鄰
幾諸君和之

硯如剗墓腹如月又若剖瓢萌強發鵠題天寶年
造之刺史李元傳自越剗墓剖瓢我莫分稱載作

年初辯君君雖能辯猶曰寶

原甫詩云李侯寶硯劉侯得

寶硯茲偽

物吾何云仰天大笑飲君酒硯真硯偽休開口願

封漆匣還與侯請共江翁獨持守

江詩云劉侯寶此處易忘慎勿將心逐名轉

送劉攽祕校赴婺源

雲木葱龍處雞鳴古縣城山高地多險源近水偏
清斫漆資商貨栽茶雜賦征案頭龍尾硯功莫苦
求精

送閻中孚郎中知磁州

簫管梁王臺風雪邯鄲道君行守趙城我向夷門
老持麾邦寄重歌袴民欣早重岡古獵場驚兔離

衰草

次韻和王景彝十四日冒雪晚歸

子猷多興憐飛雪高晚歸時又見飄拂馬隨人如
着莫舞空吹面亦勝消閉門我作素安睡呵筆君
為謝客謠記取明朝朝謁去毳裘重戴冷寥寥

和王景彝晚逢赴江鄰幾飲

殘雪晚生寒良朋邀我飲逢君三省歸交轡一相
審乘興興未盡既盃盃太甚夜闌踏月迴火冷人
已寢

次韻和吳冲卿傷何濟川

生愛虛名苦辯亡，淪精竭智可哀傷。
誰將事附三公傳，自有文誇古戰場。
墳土未乾還卜穴，挽聲絕絕又新章。
是非從此方應定，弟子猶爭左氏長。

次韻景彝赴省宿馬上

烏紗帽底青眸轉，朱雀街頭玉轡搖。
燈火高樓吹短笛，簾櫳斜巷隘初宵。
身歸蘭省唯看月，心在天津欲倚橋。
枕上夜深應不寐，羨他年少酒微銷。

送李獻甫

覽君南來詩如對江上景，今忽告我歸東風。
生馬頸馬行日幾里到家梅，夢遑重登石頭城。
爲我一

送周諫議知襄陽

謁謁荆州幾萬家，竟持壺酒望高牙。
兒尚唱銅鞮曲，耆舊爭隨畫鹿車。
雄鴨綠頭看漢水，肥鵝縮項出漁查。
鄉人應笑張平子，只有歸田賦可誇。

依韻和原甫廳壁錢諫議畫蟹

諫議吳王孫，特畫水物具。至今圖寫名，不減南朝顧。
濃淡一以墨，贅殼自有度。意將輕蔡謨，殆被疏甚誤。

宛陵先生文集卷第十八

宛陵先生文集目錄卷第十九

和景彝喜子修書

送趙虞部

月蝕

和刁景純春雪

和楊待制詠雪

和景彝省宿

姪與甥下第

次韻和永叔

和范舍人對雪

歲旦呈永叔

和冲卿歲暮有懷

和冲卿元日

和景仁對雪

三和景仁對雪

和永叔新歲書事

送辛都官知鄂州

和景彝過景靈街

送韓玉汝知洋州

李祠部寄荆樹

韻語答永叔內翰

和子華移紅薇

和吳舍人即事

和長文社日出郊

和長文襟祀郊外

送馬都官

和景彝詠薛荔

和鄰幾賞小桃

長歌行

和長文春雨二首

送滕寺丞歸蘇

和疇永叔

和鄰幾同過金明池

目錄終

宛陵先生文集卷第十九

次韻和酬裴寺丞喜子修書

唐宋典冊竟駢羅漢詔重令與削磨古聖規模猶
可法衆賢馳騁必無蹉既除太史來爲尹遂用非
才往補訛代匠只憂傷手甚君宜憐我不違他

送趙虞部士宏知蜀州

春風跨臘至雪作蝴蝶飛偏知蜀太守撩亂撲行
衣何當海棠下歌管紅袖圍一飲一斗酒決訟如
發機洛陽花自好聽從杜鵑歸

月蝕

有婢上堂來白我事可驚天如青玻璃月若黑水
精時當十分圓只見一寸明主婦煎餅去小兒敲
鏡聲此雖淺近意乃重補救情夜深桂兔出衆星
隨西傾

次韻和酬刁景純春雪戲意

雪與春歸落歲前曉開庭樹有餘妍楊花撲撲白
漫地蛺蝶紛紛飛滿天胡馬嘶風思塞草吳牛喘
月困沙田我貧始覺今朝富大片如錢不解穿

次韻和揚樂道待制詠雪

梁苑孝王跡灞陵游客心牧羊來海上泛棹向山

陰興賞曾何淺羈棲亦以深穆歌猶在竹郢曲自
傳琴旗凍霑天仗槍寒拂羽林且爲豐歲慶休作
苦寒吟掩帙都忘慮焚香靜擁衾清明一登閣暮
色徧高岑

次韻和景彝閏臘二十五日省宿

君嘗納史似吳兢又直甘泉馬踏冰重臘雪花
方漫漫宿廳書架自層層按頭美酒初温火簾底
微風欲動燈未夜未眠鐘已發此心閑寂是高
僧

姪宰與外生蔡駟下第東歸

事莫必有勝必勝難可持邇來宰相見世上多誇
馳黃金鑄佩印白玉刻佩龜朝見怪赫赫夕見同
蚩蚩方得靡不羨既處焉所施此理非一日更後
當應知志士無終窮斯言非爾欺

次韻和永叔

省樹高槐重疊條沉沉古屋蔽疏寮每嗟守印如
枯木欲棄明珠學緯蕭漸老但知貧賤樂向來徒
用歲時銷新年不管魚龍躍安得乘風入剡樵

次韻和范景仁舍人對雪

三尺沒霄雪京華頗歲無高低相掩覆霰隙似封

糊帖鈇都迷醜增新不問格因時混貧富遇物得
圓觚眩目曾何數流風不可圖冥冥山霧合浩浩
海雲鋪未覺花飛葉先看霰集珠落機裁扇素獵
野割膚腴粲爾娥奔月皤然叟赴醕薄才今揣稱
小巧媿非夫

嘉祐己亥歲旦呈永叔內翰

堦前去年雪鏡裏舊時人不覺應銷盡相看只似
新屠酥先尚幼綵勝又宜春獨愛開封尹鍾陵請
去頻

次韻和吳冲卿歲暮有懷

舊曆卷將盡慨然增永懷唯希步兵醉莫作太常
齋孟浪從人笑踈愚共世乖定知當汨沒名不與
功借

次韻和冲卿元日

天心欲銷變元會罷來朝新歲起今日舊年猶昨
宵凍雲低覆闕殘雪稍封條又聽驅儻鼓群邪不
可饒

次韻和景仁對雪

北風吹雪至浩蕩地疑無弈弈將如舞漫漫欲似
糊沙場行不盡銀漢落應枯興發詩千首豪吞酒
百觚山川容可改圭璧巧能圖花竟因酥點砧
以練鋪未燭調鼎鶴全混蔽旒珠懷昔餐衣絮誰
今食豢腴善歌知寡和釀飲遂成醕衆筆排堅陣
多多困老夫

次韻三和景仁對雪

北度龍沙遠南來狗犬無玉階三尺峻粉壁萬重
糊獸餒行迷穴禽寒立並枯長川平界限大屋竦
稜觚稍見蓬萊闕初張雲霧圖受降鎗甲積罷獵
羽毛鋪被褐思懷寶游都學賣珠車皆陳塗轡人
盡得瓊腴縞已贈吳札席將開漢醕鳳池批詔手

特地逞工夫

次韻和永叔新歲書事見寄

尖風細細欲穿簾
殘雪微銷凍結簷
盞裏醇醪無限滿
鏡中白髮不知添
妍童喜舞開羅幕
小吏愁嘶入硯蟾
幸得從公持直筆
定應無復歎虀鹽

送辛都官有終知鄂州

衣上大梁雪
門前武昌車
使君行有期
將逢烏隼
旗車動自輕
輓旗輕自舒
舒去都越千里
城在江上居
黃鶴有高樓
樓頭挂蟾蜍
下見鸞鷲洲
葭茁可以蒞
爲弔禰處士
沉蹤異三閭
憶昔我仲父
在

馬來躊躇願君訪舊跡因報八行書

次韻王景彝正月十六夜省宿過景靈街

宮街不閉東城月
圓影絕虧夜色
春自躍金羈
來宿省從他錦帳
欲誇人燈光遠
近疑爭晝歌韻
高低競起塵我老
都無游樂意似君
清枕睡侵晨

送韓玉汝太傅知洋州三首

函關見殘雪
褒谷聞春禽
禽響通朱輪
馬嘶入青林
花明亂石路
雲抱寒泉岑
天外漢江來
城下漁網沉
庖供縮項鱸
坐使宮娥斟
農桑不須教
古俗自通今

渭入秦宮古褒分蜀道難泉聲春雨後月色曉程
寒蠶浴桑牙短禽啼杏萼丹從來稱邵杜民俗在
君安

春風東來幾萬里相送入關如有情灞陵原邊柳
條暗咸陽橋畔桃花明自古恨別此兩處十千美
酒瑠璃傾日落未落車馬動子規滴血壯士驚行
哉使君負膽氣蜀道雖險心常輕是時門前大桐
樹爛漫紫萼啼流鶯弟兄同懷不可見應亦夢覺
嗟遠程太白山前一尺雨桑下問蠶田問耕郡城
夜開百姓喜喜從迢遞壺漿迎

李廷老祠部寄荆柑子

踏雪衝風馳小吏帶霜連葉寄黃柑擗包欲咀才
全動舉盞逢衰酒易酣書尾自題知遠意筆頭親
答馱多談故人莫覓新詩卷都似嵇康七不堪

韻語答永叔內翰

世人作肥字正如論饅頭厚皮雖然佳俗物已可
羞字法歎中絕今將五十秋近日稍稍貴追蹤慕
前流曾未三數人得與古昔儔古人皆能書獨其
賢者留後世不推此但務於書求不知前日工隨
紙泯已休顏書苟不佳世豈不寶收設如楊凝式

言且直節脩又若李廷中清慎實罕侔乃知愛其
書兼取爲人優豈書能存久賢哲人焉度非賢必
能此惟賢乃爲尤其餘皆泯泯死去同馬牛大尹
歐陽公昨日喜疾瘳信筆寫此語謂可忘病憂黃
昏走小校寄我東郭陬綴之輒成篇聊以助吟詠
次韻和韓子華內翰於李右丞家移紅薇
子種學士院
紅薇花樹小扶踈春種秋芳賞愛餘丞相舊園移
帶土侍臣清署看臨除薄膚痒不勝輕爪嫩幹生
宜近禁廬此地結根千萬歲聯華榮莫比茅茹

次韻和吳長文舍人即事見寄

莫問春風有後先但逢佳處去揚鞭桃花洞遠迷
應久杏樹壇荒迹自傳放與曉寒能幾許即看芳
意不多偏古來閑氣爭強弱謾費黃金拋楚權

次韻和長文社日禡祀出城

曉出春風已擺條應逢社伯馬蹄驕壇邊宿雨微
露麥水上殘冰壅過橋鷺子飛來依約近鴈行歸
去試教調北扉西掖多才思相與飄飄在沈寥

次韻和長文禡祀郊外見寄并呈韓子華

鶉鳩知雨在桑中雄逐雌飛自不同胡粉未生輕

蝶白燕脂先綻野櫻紅高高樹裏鞦韆月獵獵墻頭
蓓蕾風曉下祠壇多寄詠衣冠方侍大明宮

送馬行之都官

昭亭山下送君時不畏西行劍棧危竿馬跨來身
更健吳船乘去計非遲錢塘湖上尋雲屋巾子峰
前種槿籬此趣已高天下士不須功業似鷓夷

和王景彝詠薜荔

植物有薜荔足物有蜥蜴固知不同類亦各善緣
壁根隨枝蔓生葉侵苔蘚碧後凋雖可嘉勁性異
松栢

和江鄰幾省中賞小桃

年年二月賣花天唯有小桃偏占先初見嫩紅無
不喜終知俗艷幾多妍鄰翁已折郊園裏貴客爭
誇粉署邊可惜工夫吟向此會須留醉牡丹前

長歌行

世人何惡死死必勝於生勞勞塵土中役役歲月
更大寒求以暝大暑求以清維餒求以饕維渴求
以觥其少慾所惑其老病所嬰富貴拘法律貧賤
畏笞榜生既若此苦死當一切平釋子外形骸道
士完髓精二皆趨死徒足以見其情遺形得極樂

昇仙上玉京是乃等爲死安有蛻骨輕日中不見
影陽魂與鬼并莊周謂之息漏泄理甚明仲尼曰
焉知不使人道傾此論吾得之曷要世間行

依韻和長文紫微春雨二首

年年潑火雨苦作清明寒梨花猶半綻塘水已迷
漫愁看日更永冷漏夜未闌酒沫起玉盞燭淚生
銅盤春衣向來脫帶眼斗覺寬試問彼侯少何處
跨金鞍

春雨固多喜雖多安得愁既能勒花苞又解滋耕
疇池添痕痕漲渠有細細流不同離婦怨一落不

可收定知矜有年豈似斗粟賙西掖吳夫子吟觀
意遲留正聲隋雅頌高論等陽秋我慙才甚薄難
繼東山謳

送滕寺丞歸蘇州

驅車入蜀時有弟母不往留婦侍母傍以子囑婦
養昨得閭門書婦子死泉壤此心那得安弃官提
轡鞅東馳三千里鬻馬求吳漿吳漿速如飛歸來
拜堂上堂前去時樹已覺枝條長豈無懷抱感爲
壽酌春醑

次韻和疇求叔

春候倏已和林上鳴鳥譁前日是清明驟雨霑梨
花初聞結客游愛此物景嘉歌舞未終宴夕暮各
興嗟所嗟歸路暗嘶馬自知家公家八九妹鬢髮
如盤鴟朱脣白玉膚參年始破瓜幾日苦霖霖當
道跳魚鰓閉門飲濁醪鞦韆繫樹丫群姝莫要劇
爲公歌啞啞公當是日醉歡適不可涯孔氏有高
第內自戰紛華我公豈其然秉直異蓬麻果効歸
田去願從招轅車

次韻和江鄰幾送客回同過金明池

送別西亭車馬塵天池回傍欲迷津盡船龍尾何

時發丹杏梢頭漏泄春

風光猶未老於人獸口泉聲瀉碧津一洗塵襟無
俗慮柳條開眼共看春

宛陵先生文集卷第十九



